



**NOTULE VAN 'N SPESIALE VERGADERING VAN DIE SWARTLAND MUNISIPALE RAAD VIRTUEEL  
GEHOU OP WOENSDAG, 30 NOVEMBER 2022 OM 14:00**

---

**TEENWOORDIG:**

Speaker, rdh M A Rangasamy  
Uitvoerende Burgemeester, rdh J H Cleophas  
Uitvoerende Onderburgemeester, rdl J M de Beer

**RAADSLEDE:**

Bess, D G (DA)	Pieters, C (ANC)
Booyesen, A M (VF+)	Pypers, D C (DA)
Duda, A A (EFF)	Soldaka, P E (ANC)
Ngozi, M (ANC)	Van Essen, T (DA)
O'Kennedy, E C (DA)	Van Zyl, M (DA)
Papier, J R (GOOD)	Vermeulen G (VF+)
Penxa, B J (ANC)	Warnick, A K (DA)

Beampes:

Munisipale Bestuurder, mnr J J Scholtz  
Direkteur: Elektriese Ingenieursdienste, mnr T Möller  
Direkteur: Finansiële Dienste, mnr M A C Bolton  
Direkteur: Beskermingsdienste, mnr P A C Humphreys  
Direkteur: Siviele Ingenieursdienste, mnr L D Zikmann  
Direkteur: Korporatiewe Dienste, me M S Terblanche  
Direkteur: Ontwikkelingsdienste, me J S Krieger  
Bestuurder: Sekretariaat en Rekords, me N Brand

**1. OPENING**

Die Speaker verwelkom die Uitvoerende Burgemeester, raadsdames, raadshere, raadslede en amptenare.

Die Munisipale Bestuurder open die vergadering met skriflesing en gebed op die versoek van die Speaker.

Die Speaker dra sy gelukwense oor aan raadslede en amptenare wat die afgelope tyd verjaar het.

**2. VERLOF TOT AFWESIGHEID**

Verlof tot afwesigheid word verleen aan rdle C Fortuin, I S le Minnie, N Smit en rdh B J Stanley.

**BESLUIT** dat kennis geneem word dat rdle C Daniels en R J Jooste afwesig is sonder verlof.

**3. AFVAARDIGINGS/VERKLARINGS EN MEDEDELINGS/VOORLEGGINGS**

Geen.

**4. SAKE VIR BESPREKING**

**4.1 RAADSLIDVERGOEDING: IMPLEMENTERING VAN DATATOELAAG (5/10/1)**

Die Speaker gee geleentheid aan die Munisipale Bestuurder om die belangrikste aspekte uit die verslag aan die Raad voor te lê.

4.1/...

Die Munisipale Bestuurder bevestig dat dit 'n bindende bepaling is dat die Nasionale Minister van Samewerkende Regering en Tradisionele Sake die boperkte t.o.v. raadslidvergoeding jaarliks teen 31 Maart moet afkondig. Die rede hiervoor is om plaaslike owerhede in staat te stel om dienooreenkomstig vir vergoeding van raadslede te begroot.

Die Munisipale Bestuurder bevestig dat die Nasionale Minister, met verwysing na die afkondiging van die 2021/2022 raadslidvergoeding op 2 Junie 2021, telkens faal om die afkondiging betyds te doen. Bevestigend hiervan is dat die afkondiging ten opsigte van die 2022/2023 finansiële jaar (vir implementering vanaf 1 Julie 2022) nog nie ontvang is nie

Die Raad het tydens 'n Spesiale Raadsvergadering gehou op 15 Junie 2022 goedkeuring verleen vir die implementering van die 2021/2022 raadslidvergoeding, onder andere, dat die datatoelaag ten bedrae van R300 ingesluit word by die selfoontoelaag. Die effek hiervan was dat die R300 datatoelaag terugwerkend vanaf herverkiesde en nuwe raadslede verhaal moes word.

'n Wysigingskennisgewing gedateer 2 November 2022 is ontvang – afgekondig in Staatskoerant 47437 – is ontvang waarin bepaal word dat 'n selfoontoelaag en datatoelaag van toepassing is.

Die Munisipale Bestuurder bevestig dat daar nog nie duidelikheid is of die nuwe bepaling terugwerkend van toepassing is nie en dat riglyne in hierdie verband vanaf die Departement van Plaaslike Regering afgewag word.

Die Speaker bring die aangeleentheid tot stemming en word daar –

#### **EENPARIG BESLUIT**

(op voorstel van rdl A K Warnick, gesekondeer deur rdl J M de Beer)

- (a) Dat kennis geneem word van die inhoud van Goewermentskennisgewing No. 2698 soos afgekondig in Staatskoerant 47437 gedateer 2 November 2022, asook die implikasies wat die implementering van die datatoelaag vir die Munisipaliteit inhou ten aansien van die 2022/23 finansiële jaar, soos toegelig in Aanhangsel B tot hierdie verslag;
- (b) Dat kennis geneem word dat daar genoegsame voorsiening in die 2022/23 bedryfsbegroting gemaak is om die datatoelaag te dek, en dat die Raad gevolglik goedkeuring verleen vir die implementering daarvan, met effek vanaf 1 November 2022;
- (c) Dat daar voldoen sal word aan die oorlegplegingsvereistes van die LUR vir plaaslike regering ten einde lg. se instemming te bekom vir die implementering van die datatoelaag.

**GETEKEN:  
SPEAKER**